

8 per dopion, prometendo dar tante bone monede over oro.

*Di Candia, di sier Marco Minio ducha e sier Tomà Mocenigo capitano, fo letto alcune lettere vecchie di . . . . . April.* Di quelle oc-corentie.

*Item, una lettera dil ducha di Nixia scrive a la Signoria.* Come in l'Arzipielago è molte fuste di corsari, pregando la Signoria voy mandar de li qual-che galia solil.

In questa matina, il Collegio deputado si reduseno in camera di Signori di nocte, et sbarato il palazzo, feno vegnir davanti il Cancellier grandio, qual zà zorni . . . . . non è stà più examinato, et si ha sentito mal et per ordine dil Collegio fo mandato maestro Ludovico Butiron suo medico a visitarlo una volta presente il capitano dil Consejo di X; el qual è di malissima voglia, et non manza e poco dorme. Hor il Collegio lo examine longamente, nè però feno alcuna experientia, ma ben lo slargono alquanto e che uno altro fameglio potesse star con lui, però che 'l Collegio vol expedirlo per quello hanno, et si tien lo casseranno di la Cancelleria e dil Consejo di X.

Da poi disnar fo Consejo di Pregadi, et leto le letere di Candia, Roma et:

*Di sier Carlo Contarini orator, da Caxal, di 18, in trivixana.* Dil suo venir et partir da Milan senza tuor licentia dil Ducha per esser morto uno suo credenzier da peste, et la peste esser grandissima in Milano, et havendo auto licentia di la Signoria nostra di venir in trivixana, era venuto et stava a obedientia di quello l'havesse a far; ben accertava esser sanissimo lui con tutta la sua brigata.

258 • Fu posto, per li Savii, havendo richiesto il signor Janus di Campofregoso condutier nostro di 100 homini d' arme et 50 balestrieri a cavallo, che ditta condotta sia data, per esser lui vecchio, per metà a doi soi figli, *videlicet* Alexandro et Cesare, et a lui restasse li cavali lizieri et la provision, obligandosi in ogni bisogno exercitarsi a beneficio de le cose nostre; però sia preso che ditta condotta di 100 homini d' arme sia data a li prefati fioli, et lui resti con 25 balestrieri et la provision, *ut in parte.* Ave . . . .

Fu posto, per tutto il Collegio, che domino Zuan da Molin qu. sier Thimoteo, fa el mestier del soldo et stato *ultimate* a Corfù, sia posto in Axola con provisionati 20 a custodia di quel loco, in loco di Augustin da Parma era li con provisionati 50, qual per Collegio è stà electo a Corfù. 170, 37, 3.

Fu posto, per li ditti, atento la valorosità dil strenuo Piero Parisoto da . . . . . qual ha servito in campo etc., et havia per paga ducati 12, li sia cresuto ducati 4, sichè habbi ducati 16 per paga, *ut in parte.* Fu presa. 84, 26, 2.

Fu posto, da poi, che domino Marin Bizechemi leze retorica nel Studio de Padova, atento quella è letion ordinaria, non sia ballotato più al presente nè *in futurum.* 159, 23, 6. La qual parte messe sier Zorzi Pixani dotor cavalier, sier Marin Zorzi dotor, sier Antonio Justinian dotor Reformadori dil Studio di Padoa, et sier Lorenzo Orio dotor cavalier savio a terra ferma.

Fu posto, per tutto il Collegio, che a Bortolomio Bianco, qual è vecchio, solito andar official di galie, et non potendosi più exercitar, li sia dato ducati 2 al mexe per sustentation di la vita sua, a l' officio dil sal. 189, 6, 2.

Fu posto per . . . . . che . . . . . qual è stà apaltador a . . . . .

#### *Scurtinio di tre Savii dil Consejo ordinarii.* 259

|                                            |         |
|--------------------------------------------|---------|
| † Sier Francesco Bragadin fo savio dil     |         |
| Consejo, qu. sier Alvise procurator        | 148. 74 |
| Sier Francesco Donado el cavalier fo       |         |
| capitano a Padoa, qu. sier Alvixe .        | 88.130  |
| † Sier Luca Trun fo savio dil Consejo, qu. |         |
| sier Antonio . . . . .                     | 146. 75 |
| Sier Sebastian Justinian el cavalier fo    |         |
| consier, qu. sier Marin . . . . .          | 95.124  |
| Sier Alvise Mocenigo et cavalier fo con-   |         |
| sier, qu. sier Tomà . . . . .              | 94.125  |
| Sier Marin Zorzi el dotor fo savio dil     |         |
| Consejo, qu. sier Bernardo . . . . .       | 114.106 |
| Sier Jacomo Soranzo procurator. . . .      | 84.137  |
| † Sier Hironimo da cha' da Pexaro fo sa-   |         |
| vio dil Consejo, qu. sier Beneto pro-      |         |
| curator . . . . .                          | 125. 89 |
| Sier Alvixe Gradenigo fo cao dil Con-      |         |
| sejo di X, qu. sier Domenego caya-         |         |
| lier. . . . .                              | 70.151  |
| Sier Francesco Foscari fo savio dil Con-   |         |
| sejo, qu. sier Filippo procurator .        | 120.101 |

#### *Tre savii di terra ferma ordinarii.*

|                                     |         |
|-------------------------------------|---------|
| Sier Andrea da Molin dal Bancho, fo |         |
| capitano a Baruto, qu. sier Marin . | 119.100 |